



Caderno da crítica

Cuestionario Proust: Cris Pavón

[Ramón Nicolás](#) 27 Marzo 2015

1.– Principal trazo do seu carácter?

– O optimismo e, xa que logo, certa tendencia ao imaxinario.

2.– Que calidade aprecia máis nas persoas?

– Sentido do humor e da ética.

3.– Que agarda das súas amizades?

– Que me leven a sitios estupendos.

4.– A súa principal eiva?

– Dende logo o perfeccionismo non é.

5.– A súa ocupación favorita?

– Ler, pasmar. Hai tempo, viaxar, pero xa menos.

6.– O seu ideal de felicidade?

– Dispor do tempo ao meu gusto.

7.– Cal sería a súa maior desgraza?

– Que exista a máquina do tempo e acabar nalgún intre que me faga rabiar por volver a este.

8.– Que lle gustaría ser?

– Se fose sen dor, inspectora de Facenda. Ou conselleira ou ministra, xa posta, que hai moita reforma fiscal que facer.

9.– En que país desexaría vivir?

– Neste, e vivir unha verdadeira mudanza social e política.

10.– A súa cor favorita?

– Vermello e gris.

11.– A flor que máis lle gusta?

– A do viño tinto.

12.– O paxaro que prefire?

– O ave Roc.

13.– A súa devoción na prosa?

– Moitas e moitos, nunca son demasiadx. Calvino, Munro, Barthes, Beauvoir, Jelinek, Yourcenar, Perec, Dostoiewsky, Faulkner, Ferrín, Torrente Ballester, Capek, Proust, Delillo ... ben, igual aquí xa son demasiados.

14.– E na poesía?

– De Wislawa Szymborska a Lupe Gómez, da antipoesía de Nicanor Parra á poesía visual de Joan Brossa.

15.– Un libro?

– Un cento, un milleiro deles, unha biblioteca.

16.– Un heroe de ficción?

– Randolph Carter.

17.– Unha heroína?

– Mononoke.

18.– A súa música favorita?

– Estes días, o afrobeat.

19.– Na pintura?

– Duchamp, Antonio López, Maruja Mallo...

20.– Un heroe ou heroína na vida real?

– Calquera Anonymous.

21.– O seu nome favorito?

– Non teño.

22.– Que hábito alleo non soporta?

– Falar coa boca chea.

23.– O que máis odia?

– A prepotencia.

24.– A figura histórica que máis despreza?

– Toda unha institución: a igrexa católica.

25.– Un feito militar que admire?

– Mmm... As partidas entre Deep Blue e Kasparov.

26.– Que don natural lle gustaría ter?

– Voz para rachar o cristal como Oscar, o tambor de folla de lata. Capacidade para aguantar doce minutos de apnea ou máis.

27. – De que maneira lle gustaría morrer?

– Sentada a beira do mar non estaría mal.

28.– Cal é o seu estado de ánimo máis habitual?

– Allegro ma non troppo.

29.– Que defectos lle inspiran máis indulxencia?

– Os meus, seguramente.

30.– Un lema na súa vida?

– Agora que son maior: Fai deporte!